

黃氏逸書考

子史鈎沈

逸書考

魏皇覽

甘泉黃奭學

逸禮

逸續漢志注刊本或說作迎以御覽所題逸禮知爲刊誤

春夏秋冬之樂又順天道是故距冬至日四十六日則天子迎春於東堂距邦八里堂高八尺堂階八等青稅八乘旗旄尙青田車載旄號曰助天之昌之以角舞之以羽翟此迎春之樂也自春分數四十六日則天子迎夏於南堂距邦七里堂高七尺堂階七等赤稅

七乘旗旄尙赤田車載戟號曰助天養唱之以徵舞之以鼓靴此迎夏之樂也自夏之數四十六日則天子迎秋於西堂距邦九里堂高九尺堂階九等白稅九乘旗旄尙白田車載兵號曰助天收唱之以商舞之以干戚此迎秋之樂也自秋分數四十六日則天子迎冬於北堂距邦六里堂高六尺堂階六等黑稅六乘旗旄尙黑田車載甲鐵鏐號曰助天鋤唱之以羽舞之以干戈此迎冬之樂也

劉昭

續漢祭祀志補注又太平御覽卷五百二十八禮儀部同引此惟首句上增天子迎四節
曰天子迎九字又由車載旄作載矛田車載戟作載弓田車載兵作載戟田車載甲下無舞之以干戈作舞之以籥所以迎四時樂

秋養九志於西堂冬養九勝於北堂養後三

日而止天子行殺必順天道

御覽多此六句然僅言秋養冬

養而無春夏似所引非全文又九志九勝未詳

春則衣青衣佩蒼玉乘青輅駕青騶載青旗

以迎春於東郊居明堂左啟東戶

王謨本引類聚

夏則衣赤衣佩赤玉乘赤輅駕赤騶載赤旗

魏皇覽

以迎夏於南郊其祭先黍與雞居明堂正廟

啟南戶

藝文類聚卷三歲時部初學記卷三歲時部太平御覽卷二十一時序部

又北堂書鈔卷一百五十四歲時部引夏則居明堂正廟一句

秋則衣白衣佩白玉乘白輅駕白駱載白旗

以迎秋於西郊

藝文類聚同上

秋居明堂右啟西戶

北堂書鈔引此二句

冬則衣黑衣佩元玉乘元輅駕鐵驪載元旗

以迎冬於北郊其祭先豕居明堂後廟啟北

戶

藝文類聚同上太平御覽卷二十六時序部

君使大夫弔於國君禮錫衰裳弁有■下大

夫爲介亦如之士介者將命者總麻裳弁經

異姓葛同姓麻

太平御覽卷五百六十一禮儀部

已上諸書所引並題皇覽逸禮

衛史鰭病且死謂其子曰我死治喪於北堂
吾生不能進蘧伯玉而退彌子瑕是不能正
君也生不能正君者死不當成禮死而置尸
於北堂足矣靈公往弔問其故其子以父言
聞於靈公公失容曰吾失矣立召蘧伯玉而

貴之召彌子瑕而退之徙喪於堂成禮而後

去

藝文類聚卷二十四人部

天子之蓍九尺諸侯七尺大夫五尺士三尺

蓍千歲三百莖先知也

藝文類聚卷八十二草部

太公爲太師周公爲太傅召公爲太保

太平御覽

卷二百六職官部

天子龜尺二寸諸侯八尺大夫六寸士民四

寸龜者陰蟲之長也龜三千歲上遊於卷耳

上老者先知故君子舉事必考之

太平御覽卷九百三

十一
鱗
介部

已上四事祇題逸禮而不著皇覽附編存
考

三皇禪云云盛意也五帝禪亭亭特立於身

也三王禪梁父連延不絕父死子繼也

太平御覽

卷五百三十六禮儀部又北堂書鈔卷九十
一禮儀部祇引禪云云亭亭二句而無盛意
特立於身二句

王者必制巡狩之禮何尊天重民也所以五
年一巡狩何五歲再閏天道大備所以至四

嶽者盛德之山四方之中能興雲致雨也巡
狩者何巡循也狩牧也爲天循行牧民也太平御覽卷五百三十七禮儀部又文選班孟堅東都賦注云王者以巡狩之禮尊天重人也巡狩者何巡者循也狩牧也謂天子巡行守牧也

已上二事題禮記逸禮未審是否皇覽之
文今依類編於末

附錄中霤禮

凡祭五祀於廟用特牲有主有尸皆先設席
於奧祀戶之禮南面設主于戶內之西乃制

脾及腎爲俎奠于主北又設盛于俎西祭黍稷祭肉祭醴皆三祭肉脾一腎再旣祭徹之更陳鼎俎設饌于筵前迎尸畧如祭宗廟之儀

禮記月令注正義云皆中雷禮文

祀竈之禮先席於門之奧東面設之於竈陴乃制肺及心肝爲俎奠于主西又設盛于俎南亦祭黍三祭肺心肝各一祭醴三亦旣祭徹之更陳鼎俎設饌于筵前迎尸如祀戶之

禮全上

祀中霤之禮設主于牖下乃制心及肺肝爲

俎其祭肉心肺肺各一他皆如祀戶之禮

上全

祀門之禮北面設主于門左樞乃制肝及肺

心爲俎奠于主南又設盛于俎東其他皆如

祭竈之禮

上全

行在廟門外之西爲韋壤厚二寸廣五尺輪

四尺祀行之禮北面設主于韋上乃制腎及

脾爲俎奠于主南又設盛于俎東祭肉腎一

脾再其他皆如祀門之禮

上全

冢墓記

黃帝冢在上郡橋山

史記集解卷一五帝本紀

顓頊冢在東郡濮陽頓邱城門外廣陽里中

頓邱者城門名頓邱道

史記集解同上又劉昭補注續漢郡國志

王莽時使使者祠顓頊冢

太平御覽卷五百六十禮儀部多王

莽時二句而無頓邱者三句續漢志補注同無又水經淇水注引頓邱者城門名二句

蚩尤冢在東平郡壽張縣闕鄉城中高七丈

民常十月祀之有赤氣出如匹絳帛民名爲

蚩尤旗肩髀冢在山陽鉅野縣重聚大小與

魏皇覽

闕冢等傳言黃帝與蚩尤戰於涿鹿之野黃

帝殺之身體異處故別葬之

史記集解同上又水經濟水注

藝文類聚卷四十禮部太平御覽卷二十七時序部卷五百六十禮儀部太平寰宇記卷十三河南道卷四十六河東道並引之赤氣出如匹絳帛句下寰宇記有自上屬下四字續漢郡國志注引蚩尤冢在壽張縣闕城中高五丈三句史記索隱卷九封禪書一引二句又引見路史蚩尤傳注

帝嚳冢在東郡濮陽頓邱城南臺陰野中

史記

集解同上又水經淇水

注曰頓邱者城門名

堯冢在濟陰城陽

史記集解同上

舜冢在零陵營浦縣其山九谿皆相似故曰

九疑

史記集解同上又史記正義卷六秦本紀云舜冢在零陵郡營浦縣九疑山

臯陶冢在廬江六縣

史記集解卷二夏本紀又續漢郡國志補注云

六安國臯陶冢在縣

禹冢在山陰縣會稽山上會稽山本名苗山

在縣南去縣七里

史記集解同上又賈公彥周禮疏卷三十三云禹冢

在山陰會稽山本苗山縣南七里

湯冢在濟陰亳縣北東郭去縣三里冢四方

各十步高七尺上平處平地漢哀帝建平元

年大司空御史長卿案行水災因行湯冢史記

集解卷三殷本紀又水經汭水注北堂書鈔

卷九十四禮儀部太平御覽卷五百六十禮

儀部云湯冢在濟陰薄縣北郭

冢四方八十步高七尺上平

伊尹冢在濟陰已氏平利鄉史記集解同上

語同又續漢郡國志補註云

已氏有平利鄉鄉有伊尹冢

文王武王周公冢皆在京兆長安鎬聚東社

中史記集解卷四周本紀又續漢郡國志補

注云文王周公皆在鎬聚東社中太平御

覽卷五百六十禮儀部云周文王

武王周公冢皆在京兆長安縣

周靈王冢在河南城西南柏亭西周山上蓋

以靈王生而有髭而神故諡靈王其冢民祀

之不絕

史記集解同上又水經洛水注曰周山在柏亭西北又續漢郡國志補注

云城西門柏亭西周山上周靈王冢民祀之不絕

景王冢在洛陽太蒼中秦封呂不韋洛陽十

萬戶故大其冢並圍景王冢

史記集解同上

子朝冢在南陽西鄂縣今西鄂晁氏自謂子

朝後

史記集解同上又續漢郡國志補注云王子朝冢在西鄂縣西又太平御覽卷

五百六十禮儀部云王子暉冢在南陽鄂縣西原注暉音猛

秦繆公冢在橐泉宮祈年觀下

史記集解卷五秦本紀又

水經渭水注太平御覽禮儀部同上卷

秦武王冢在扶風安陵縣西北畢陌中大冢是也人以為周文王冢非也周文王冢在杜

中

史記集解同上又續漢郡國志補注云安陵縣西北畢陌秦武王冢

亞夫冢在廬江居巢縣郭東居巢廷中有亞父井吏民皆祭亞夫於居巢廷上長吏初視

事皆祭然後從政後更造祠於郭東至今祠

之

史記集解卷七項羽本紀又水經泗水注郭東居巢廷廷作亭祭亞夫於居巢廷廷

作廳又續漢郡國志補注太平御覽卷五百六十禮儀部

項羽冢在東郡穀城東去縣十五里

史記集解同上

又續漢郡國志補注云穀城縣東十五里有項羽冢又水經濟水注

漢惠帝陵山高三十二丈廣袤百二十步居

地六十畝

史記集解卷九呂后本紀

高帝呂后山各一所

史記集解同上

萇宏冢在洛陽東北山上

史記集解卷二十八封禪書又續漢

郡國志補注曰雒陽縣東北山萇宏冢

太伯冢在吳縣北梅里聚去城十里

史記集解卷三

十一吳太伯世家又太平御覽卷五百六十一禮儀部云吳太伯冢在會稽吳縣北去城十

里 太伯始所居地名句吳

續漢郡國志補注多末二句

延陵季子冢在毘陵暨陽鄉至今吏民皆祀

事

史記集解卷三十一又續漢郡國志補注云毘陵暨陽鄉

呂尙冢在臨菑縣城南去縣十里

史記集解卷三十二

齊太公世家

在齊桓公冢南桓公冢西北有晏嬰

冢

續漢郡國志補注多末三句

齊桓公冢在臨淄城南十七里所菑水南

史記

集解

孟嘗君與齊桓公冢同處

太平御覽卷五百六十禮

儀部多末一句又城南十七里作二十里菑水作淄水

齊頃公冢近呂尚冢

史記集解同上

齊景公冢與桓公冢同處

史記集解同上

華元冢在陳畱小黃縣城北

史記集解卷三十八宋微子世

冢

號公冢在河內溫縣郭東濟水南大冢是也

其城南有號公臺

史記集解卷三十九晉世家又水經水注曰號公

臺基趾尚存又太平御覽卷五百六十禮儀部又續漢郡國志補注曰溫縣郭東濟水南

有號

公冢

楚武王冢在汝南郡銅陽縣葛陂鄉城東北

民謂之楚王岑漢永平中葛陂城北祝里社
下於土中得銅鼎而銘曰楚武王由是知楚
武王之冢民傳言秦項赤睂之時欲發之輒
積壤填壓不得發也

史記集解卷四十楚世家續漢郡國志補注又

太平御覽卷五百六十禮儀部鮑陽郡注曰鮑音紂

孔子冢去城一里冢塋百畝冢南北廣十步
東西十三步高一丈二尺冢前以瓠簪爲祠
壇方六尺與地平本無祠堂冢塋中樹以百
數皆異種魯人世世無能名其樹者民傳言

孔子弟子異國人各持其方樹來種之其樹

柞枌雒離女貞五味鼂檀之樹孔子塋中不

生荆棘及刺人艸

史記集解卷四十七孔子世家又索隱卷二十六司

馬相如傳曰孔子

墓後有櫟檀樹又邢昺孟

子正義卷五太平御覽卷五百六十禮儀部

太平寰宇記卷二十一河南道去城一里句

下御覽多魯城北便外南十字又水經濟水

注曰孔子弟子各以四方奇木來植故

多諸異樹不生荆棘今則無復遺條矣

伯魚冢在孔子冢東相望與孔子並大小相

望史記集解同上又太平御覽卷五百六十

禮儀部曰伯魚基在孔子冢東邊與孔子

並大小

相望

子思冢在孔子冢南大小相望

史記集解同上太平御覽

同上

盜跖冢在河東大陽臨河曲直宏農華陰山

潼鄉

史記集解卷六十一伯夷列傳又續漢郡國志補注曰大陽盜跖冢臨河

靖郭君冢在魯國薛城中東南陬

史記集解卷七十五

孟嘗君列傳太平御覽卷五百六十禮儀部

孟嘗君冢在魯國薛城中向北東向北出北

邊門

史記集解同上太平御覽同上

呂不韋冢在河南洛陽北邙道西大冢是也

民傳言呂母冢不韋妻先葬故其冢名呂母

也

史記集解卷八十五呂不韋列傳太平御覽同上

不韋死獲過於

始皇矣民傳云不韋好經書皆以葬漢明帝

朝公卿大夫諸儒八十餘人論五經得失符

節令宋久上言臣聞昭王與不韋好書皆以

書葬王至尊不韋久貴冢皆以黃腸題奏處

題高燥未壞臣願發昭王不韋冢視未燒詩

書

御覽多此十八句又續漢郡國志補注曰雒陽縣北邙山道西呂不韋冢

孫叔敖冢在南郡江陵故城中曰土里民傳

孫叔敖曰葬我廬江陂後當為萬戶邑去故

都郢城二十里所或曰孫叔敖激阻水作雲

夢大澤之池也史記集解卷百十九循吏列傳又續漢郡國志補注曰孫

叔敖冢在江陵城中四十里據此則裴駰集解曰土里三字當是四十里三字刊誤

子產冢在河南新鄭城外大冢是也史記集解同上

太平御覽卷五百六十禮儀部

偃師西北有臯陶祠又有湯亭有湯祠續漢郡國

志補注

戾太子南出葬在閭鄉南秦又改曰寧太續漢

志補注
同上

衛思后葬長安城東南桐松園今千人聚是

續漢志補
注同上

有蒼頡冢在利陽亭南墳高六丈

續漢志補
注同上

學書者皆往上姓名投刺祀之不絕

藝文類
聚卷四

十禮部多
末三句

漆有師曠冢名師曠山

續漢志補注同上又
太平御覽卷五百六

十禮儀部曰師曠冢在右扶風
名曰師曠山人民不敢上其山

奄里伯公冢在城內祥舍中民傳言魯五德

奄里伯公葬其宅

續漢志補注同上

堯封唐堯山在北唐水西入河南有望都山

卽堯母慶都所居相去五十里都山一名豆

山

續漢志補注同上

伯樂冢在定陶縣東西一里所高四五丈

續漢

志補注同上又太平御覽卷五百六十禮儀部

葉縣西北去城三里葉公諸梁冢近縣祠之

曰葉君邱

續漢志補注同上又太平御覽同上禮儀部曰葉公諸梁子高冢在

南郡葉縣西北去城三里近縣民皆祠之

太甲有冢在歷山上續漢志補注同上

楚大夫子思冢在當塗縣東山鄉西去縣四

十里子思造芍陂續漢志補注同上

吳本國縣東門外孫武冢又要離冢縣西南

續漢志補注同上

晏子冢在臨淄城南菑水南桓公冢西北史記

正義卷六十
二管晏列傳

趙簡子墓在臨水縣界冢上氣成樓閣之狀

北堂書鈔卷九
十四禮儀部

好道者言黃帝乘龍升雲登朝霞上至列闕

倒影經過天宮藝文類聚卷一天部天體如車有日月

懸著何有可上哉太平御覽卷二天部多末三句

秦始皇冢在驪山之古驪戎國今之世顓豐

晉獻公伐驪戎獲二女其山陰多黃金其陽

多美玉謂藍田是也故貪而葬焉并天下亡

徒十餘萬人穿八池洞三泉而致棹宮觀奇

器珍怪諸物藏之令一匠人作機弩人有近

穴輒射之以水銀爲百川江河大海金銀爲

鳧鶴機關轉相幹旋終而復始上具天文以
人魚膏爲燈度久不滅後宮無子者皆徇從
死者甚衆恐匠知之殺工匠於藏中因閉羨
門覆土樹艸木以像山墳高五十餘丈周迴
五里餘後項籍燒其宮觀關東賊發之後牧
羊兒亡羊羊入藏中持火覓羊燔其椁後賊
遂取其金銀奇器

太平御覽卷五百六十禮儀部又卷八百十二珍寶

部曰關東賊發始皇墓中有水銀又史記集解卷六秦始皇紀引始皇墳高五十餘丈周迴五里

餘二句

太上皇葬萬年高帝父也高帝葬長陵孝惠
帝霸陵諸陵皆用瓦器不爲墳王莽之亂天
下無道獨無災害景帝葬陽陵孝武皇帝葬
茂陵孝昭皇帝葬平陵孝宣皇帝葬杜陵孝
元皇帝葬渭陵元帝下詔曰無置徙民令天
下無騷動之憂自是園陵不置邑孝成帝葬
延陵孝哀帝葬義陵孝平帝葬原陵孝文皇
帝弟淮南王長坐謀反誅後置園陵長好道
事八公世之愚者云長仙醫巫訖云淮南好

道百官皆得仙狗吠雲中雞鳴天上東平思

王冢在東平松皆西靡

太平御覽同上又漢書東平思王傳注引

皇覽云東平思王冢在無鹽人傳云王在國思歸京師後葬其冢上松柏皆西靡也按此墓文選劉孝標重答劉秣陵書注引聖賢冢墓記其語最詳藝文類聚卷八十八木部亦題聖賢冢墓記據隋志地理類別有李彤聖賢冢墓記一卷

奚仲冢在魯國

當云薛縣東去縣二十五里山

上因名奚仲山山下名奚仲亭

太平御覽同上

夏育冢在濟南歷山上

太平御覽同上

魯大夫叔梁紇冢在魯國東陽聚安泉東北

八十四步名曰防冢民傳言防墳於地微高

太平御覽同上

蘭陽城西有山名豹陵

太平寰宇記卷二河南道

河南城內有周山一名小亭山

太平寰宇記卷三河南道

荆城是戰國時魏將龐涓與孫臏相持處

太平

寰宇記

同上

全節章邱兩縣界有神迹是姜嫄所履處

太平

寰宇記卷十

九河南道

黃帝葬橋山

太平寰宇記卷三十四關西道

河內溫城南有號公臺相傳云晉宣帝改邑

集溫父老登此臺宴飲父老奉觴慶賀因謂

之酒臺

太平寰宇記卷五十二河北道

叢臺在邯鄲小城內

太平寰宇記卷五十六河北道

已上六十六事史記正義太平御覽寰宇

記皆題皇覽冢墓記

史記正義惟引舜冢一事題名冢墓記太

平御覽於首引黃帝升

及蚩尤冢顓頊

冢三事俱題冢墓記寰宇記引龐涓孫臏

相持處姜嫄所履處孔子冢黃

帝橋山蚩尤冢俱題冢墓記名

知此與逸禮並皇覽分篇裴駸劉昭酈道元等注書

雖未標題冢墓記名然其所引確爲一篇
中語故依類編之

漢家之葬方中百步已穿鑿爲方城其中開
四門四通足放六馬然後錯渾雜物扞漆繒
綺金寶米穀及埋車馬虎豹禽獸發近郡卒
徒置將軍尉侯以後宮貴幸者皆守園陵元
帝葬乃不用車馬禽獸等物

續漢禮儀
志補注

按此疑亦當在冢墓記篇以劉昭徵引祇
題皇覽未標篇名故別編於篇末

計然者濮上人也博學無所不通尤善計算
嘗南遊越范蠡卑身事之其書則有萬物錄
著五方所出皆直述之事

漢書貨殖傳注

記陰謀黃帝金人器銘曰武王問尙父曰五
帝之誠可得聞乎尙父曰黃帝之誠曰吾之
居民上也搖搖恐夕不至朝故爲金人三封
其口曰古之慎言堯之居民上也振振如臨
深淵舜之居民上也慄慄恐夕不旦武王曰
吾並殷民居其上也翼翼懼不敢息尙父曰

德盛者守之以謙守之以恭武王曰欲如尙
父言吾因是爲誠隨之身

太平御覽卷五百九十九文部

已上二事不題篇名陰謀記或是分篇而
他無考見故附後存考

了史鉤沈

逸書考

逸莊子

甘泉黃奭學

闕奕

釋文序錄

意修

上全

危言

上全

游鳧

上全

子胥

上全

惠施

北齊書朴弼傳云弼注莊子惠施篇因學紀聞原注云今無此篇亦逸篇也

畏壘虛

史記老莊列傳索隱云莊子篇名今無此篇亦逸篇也

逸莊子

一

闕奕之隸與殷翼之孫遏氏之子三士相與
謀致人於造物共之元天之上元天者其高
四見列星

元天山名

文選顏延年侍游蒜山
詩注困學紀聞原注

尹需學御三年而無所得夜夢受秋駕於其
師明日往朝其師其師望而謂之曰吾非獨
愛道也恐子之未可與也今將教子以秋駕

秋駕法駕也

文選左太冲魏都賦注王
元長三月三日曲水詩序注

張景陽七命注

藝文類聚八十

困學紀聞原注

玉海八十

卷一

門一作

來風桐乳致巢此以其能苦其性

著

選注閱
又作穴

門戶孔空風善從之桐子似乳著其葉而

生其葉似箕鳥喜巢其中也

文選宋玉風賦注潘安仁

悼亡門戶空風自西生桐子似乳著鳥之

巢自來之也

藝文類聚

門戶空風喜投之

桐子似乳著葉而生鳥喜巢之

御覽九百五十六

紉謳所生必於斥苦

紉讀曰拂拂引柩索也謳挽歌斥慢緩苦

用力也引縛所有謳者為人用力慢緩不

齊促急也

初學記十四
酉陽雜俎四

斥疏緩也苦用力

也引縛所以有謳歌者為人用力不齊故

促急之也

世說新語注
五十二

田學紀聞原注
御覽五百

莊子謂惠子曰羊溝之雞三歲為株相者視

之則非良雞也然而數以勝人者以狸膏塗

其頭

羊溝鬪雞處株魁帥也雞畏狸故

藝文類聚

御覽九百十八

田學紀聞原注

青鷄愛子忘親

鷄鳥專愛其子而忘其母也

御覽九百二十
十三困學

紀聞
原注

鵲上高城之堦而巢於高榆之顛城壞巢折
凌風而起故君子之居世者得時則義行失
時則鵲起

堦最高危限之處也起飛也

文選謝元暉
和伏武昌登

孫權故
城詩注

桓侯行未出城門其前驅呼辟蒙人止之後

爲狂也

史宋世家索隱

宋桓侯行未出城門其前驅

呼避至於家家人正之以爲狂也

御覽七百三十九

呼辟使人避道蒙人以桓侯名辟而前驅

呼辟故爲狂也

史宋世家索隱

呼避使人避道也

家人謂狂正而不聽此乃言聞其所未聞

則以爲狂也

御覽全上

商賈旦於市井以求其贏

九夫爲井井有市

文選鮑明遠行藥至東城橋詩注

胥士之殉名貪夫之殉財天下皆然不獨一

殉營也

文選謝宣遠於安城答謝靈運詩注

夫輕爵祿者人之所託材

材身也

文選曹子建七啟注

周周銜羽以渡河

周周河上鳥也頭重尾輕足以銜他鳥羽

飛過河如人之不可不求益於物以補其

所短也

御覽九百二十八

兩神女浣於白水之上禹過之而趨曰治天

下奈何女曰股無腠脛不生毛顏色凍烈手

足胼胝何以至是也

案御覽引此文小異有脫字今錄依文選司馬

長卿難蜀

父老注

言憂天下太甚

御覽六十三

多言而不皆

皆視也

蕭該漢書音義

童子埋蜻蜓頭而化為珠

御覽九百五十

言童子埋蜻蜓之頭不食而舞曰此當為

珠人笑之

太平廣記四百三十七引李淳風感應經轉引莊子司馬彪注

子史鉤沈

逸書考

莊子司馬彪注

甘泉黃奭學

內篇

逍遙遊第一

釋文亦作游文選注引司馬注作游作游者司馬本也

言逍遙無爲者能游大道也

文選潘安仁秋興賦注

其音爲鵬

鵬者鳳也

廣川書跋寶蘇鐘司馬說案釋文出鵬字引崔音鳳證以說

文字林云鵬皆爲鳳字不及彪注惟廣川書跋引以爲司馬說通雅四十五亦引之

其翼若垂天之雲

民國甲戌

王子司馬彪注

一江都朱氏

若雲垂天旁

釋文

海運則將徙於南冥

運轉也

釋文

文選郭景純江賦注
元暉拜中軍記室辭隋王箋注

謝

齊諧

人姓名也

釋文

文選江
文通雜體詩注

搏扶搖而上者九萬里

搏飛而上也上行風謂之扶搖

釋文

搏團也

扶搖上行風也團飛而上行者若扶搖也

文選江
文通雜體詩注

搏團也團飛而上若扶搖也

文選范彥龍古意

贈王中書詩注

扶搖上行風也

文選張景陽七

命注御覽九

初學記一御

覽九百二十七引並無也字

野馬也

春月澤中遊氣也

釋文

覆杯水於坳堂之上

坳堂塗地令平

釋文

背負青天而莫之天闕者

天折也闕止也

釋文

天折闕止也言無有折

止使不通者也

文選劉孝標辨命論注

蝟與子鳩笑之

本或作鸞

蝟蟬學鳩小鳥也

釋文

蝟蟬也鸞鳩小鳥

選文

江文通雜體詩注

鸞音預

釋文引司馬音

我決起而飛搶榆枋

搶猶集也

釋文

而控於地而已矣

控投也

釋文

適莽蒼者

莽蒼近郊之色也

釋文

朝菌不知晦朔

朝菌大芝也天陰生糞上見日則死一名

日及故不知月之終始也

釋文

大芝也天陰

時生糞上見陽則萎故不知月始終

御覽九百

九十

惠蛄不知春秋

惠蛄寒蟬也一名蜺蛄春生夏死夏生秋

死

釋文

蜺蛄春生夏死夏生秋死故不知歲

有春秋也

御覽九百四十九

楚之南有冥泠者以五百歲爲春五百歲爲秋

木生江南千歲爲一年

齊民要術

古有大椿者以八千歲爲春八千歲爲秋

椿木一名檮檮木槿也

釋文

木莖也以萬六

千歲爲一年一名舜椿

齊民要術

窮髮之北

北極之下無毛之地也

釋文

搏扶搖羊角而上者九萬里

風曲上行若羊角

釋文

斥鷃

字亦作鷃

小小澤也鷃鷃雀也

釋文

德合一君而徵一國者

徵信也

釋文

宋榮子

宋國人也

釋文

未數數然也

數數猶汲汲也

釋文

猶有未樹也

樹立也未立至德也釋文

列子御風而行泠然善也

列子鄭人列禦寇也御迎也泠泠然涼貌

也初學記一御覽九引泠然涼貌也文

江文通雜體詩注

而御六氣之辨

陰陽風雨晦明也釋文

神人无功聖人无名

神人無功言修自然不立功也聖人無名

不立名也

文選任彥昇到大司馬記室裴注

堯讓天下於許由

許由潁川陽城人

釋文

而燬火不息

燬然也

釋文

肩吾

神名

釋文

大而無當

莊子司馬彪注

言語宏大無隱當也釋文

猶河漢而無極也

極崖也言廣若河漢無有崖也

文選劉孝標辨命論

注

大有徑庭

司馬本作莖

徑庭激過之辭也

文選劉孝標辨命論注

淖約若處子

淖約好貌

釋文

使物不疵厲

疵毀也

釋文

疵一音子爾反

釋文

驚者無以與乎鐘鼓之聲

司馬本此下更有眇者無以與乎眉

目之好別者不自為假文屨

猶時女也

時女猶處女也

釋文

將旁礪萬物

旁礪猶混同也

釋文 文選左太冲吳都賦注

孰敝敝焉以天下為事

司馬本作蔽蔽

大浸稽天

莊子司馬彪注

稽至也

宋人資章甫而適諸越

資取也章甫冠名也諸於也

文選張景章陽雜詩注

甫冠名也

文選嵇叔夜與山巨源絕交書注

越人斷髮文身

司馬本

敦斷也

釋文並全上

往見四子

王倪齧缺被衣許由

釋文

汾水之陽

司馬本

惠子

姓惠名施爲梁相

釋文

魏王貽我大瓠之種

梁惠王也

釋文

瓠音護下同

釋文

而實五石

實中容五石

釋文

剖之以爲瓠則瓠落無所容非不鳴然大也
吾爲其無用而培之

瓠布護也落零落也言其形平而淺受水

則零落而不容也培擊破也

釋文

瓠布濩落

零落也嗚然大貌培謂擊破之也喻莊子之言大也若巨瓠之無施也

文選謝靈運之郡初發都

詩注

宋人有善爲不龜手之藥者

文圻如龜文也又云如龜變縮也

釋文

今一朝而鬻技百金

鬻賣也

釋文

何不慮以爲大樽而浮乎江湖

樽如酒器縛之於身浮於江湖可以自渡

慮猶結綴也若今所謂腰舟也

釋文作案

即所謂腰舟語似非原注今从通雅三十四

子獨不見夫狸狴乎

狴狴也

釋文

以候敖者

司馬本作敖

謂伺候遨翔之物而食之雞鼠之屬也

釋文

敖音遨

釋文

繫牛

旄牛

釋文

齊物論第二

南郭子綦

居南郭因爲號

釋文

嗒焉似喪其耦

耦身也身與神爲耦

釋文

何居乎

居猶故也

釋文

大塊噫氣

大塊大朴之貌

釋文

似鼻似口

言風吹竅穴動作或似人鼻或似人口

似洼者

若洼曲

釋文

似污者

若污下

釋文

激者

聲若激喚也

釋文

流急曰激

文選

盧子諒時

與詩注一切

經音義

十四

諠者

若謹諠聲

釋文

叱者

若叱咄聲

釋文

吸者

若噓吸聲也

釋文

叫者

若叫呼聲也

釋文

諫者

若諫哭聲

釋文

突者

深者也若深突突然

釋文

咬者

聲哀切咬咬然

釋文

飄風則大和

飄風疾風也爾雅云回風爲飄

釋文

厲風濟則衆竅爲虛

厲風大風

釋文

夫吹萬不同而使其自己也

吹萬言天氣吹煦生養萬物形氣不同已

止也使各得其性而止

文選謝宣遠九日從宋公戲馬臺集

送孔令

已止也使各得其性而止也

文選謝靈運

詩注

運道路憶山中詩注

其寐也魂交

精神交錯也

釋文

其覺也形開

目開意悟也

釋文

與接爲構

人道交接構結驩愛也

釋文

害者

深也

釋文

其發若機括其司是非之謂也

言生以是非臧否交校則禍敗之來若機

括之發

文選鮑明遠苦熱行注

賅而存焉

莊子司馬彪注

貶備也

釋文

慮歎變愁

愁不動貌

釋文 廣韻葉韻注 玉篇卷八心部

藹然疲役而不知其所歸

藹極貌也藹奴結切

文選謝靈運過始寧墅詩注

其以為異於鷺音

鷺鳥子欲出者也

釋文

莛與楹

莛屋梁也楹屋柱也

釋文

厲與西施

厲病癩西施夏姬也

釋文

狙公賦芋

狙公典狙官也芋橡子也

釋文

朝三而莫四

朝三升暮四升也

釋文

昭文之鼓琴也

昭文古善琴者

釋文

師曠之枝策也

枝柱也策杖也

釋文

惠子之據梧也

梧琴也

釋文

故以堅白之昧終

謂堅石白馬之辨也又云公孫龍有淬劍

之法謂之堅白

釋文

是故滑疑之耀

滑亂也

釋文

天下莫大於秋毫之末

兔毫在秋而成

釋文

五者園而幾向方矣

圓也

釋文

我欲伐宗膾胥敖

宗膾胥敖三國名也

釋文

昔者十日並出萬物皆照

言陽光麗天則無不鑒

文選謝靈運從遊京口北固應詔詩

注

庸詎知吾所謂知之非不知耶庸詎知吾所

謂不知之非知耶

庸猶何用也

文選潘安仁
秋興賦注

民溼寢則腰疾偏死

偏枯死也

釋文

鰮然乎哉

鰮魚名

釋文

民食芻豢

牛羊曰芻犬豕曰豢以所食得名也

釋文

麋鹿食薦

薦美草也

釋文

螂且甘帶

帶小蛇也螂且好食其眼

釋文 御覽九百四十六

狻狻狙以為雌

狙一名騰牂似猿而狗頭憲與雌猿交也

釋文狻狻狙似猿而狗頭食獮猴好與雄狙接

御覽九

百十

毛嬙麗姬

毛嬙古美人

釋文

莊子司馬彪注

夫子以爲孟浪之言

孟浪鄙野之語

文選左太沖吳都賦注

是黃帝之所聽熒也

聽熒疑惑也

釋文

見彈而求鴟炙

小鳩可炙

釋文

旁日月

旁依也

釋文

其脗合

脗合也

釋文

聖人愚菴

渾沌不分察也

釋文

與王同筐牀

筐牀安牀也

釋文

竊竊然

猶察察也

釋文

因之以曼衍

曼衍無極也

釋文

罔兩問景

司馬彪為罔兩

罔兩景外重陰也

文選班孟堅幽通賦注

吾待蛇蚺蜩翼耶

蛇蚺謂蛇腹下齟齬可以行者也

釋文

莊周夢為蝴蝶

蝴蝶蛺蝶也

釋文 文選張景陽雜詩注

養生主第三

為善莫近名為惡莫近刑

勿修名也被褐懷玉穢惡其身以無所

形也

文選嵇叔夜
幽憤詩注

緣督以爲經

緣順也督中也順守道中以爲常也

文選
左太

沖魏都
賦注

砉然

皮骨相離聲

釋文

合於桑林之舞

桑林湯樂名

釋文

乃中經首之會

經首咸池樂章也

釋文

文惠君

梁惠王也

釋文

導大窾

窾空也

釋文

技經肯綮之未嘗

綮猶結處也

釋文

良庖歲更刀割也

良善也以刀割肉故歲歲更作

釋文

族庖月更刀折也

族雜也

釋文

公文軒見右師而驚

姓公文氏名軒宋人也右師宋人也

惡乎介也

介別也

釋文

天與其人與

爲天命爲人事也

天之生是使獨也

一足曰獨釋文

老聃死

老子也釋文

人間世第四

言處人間之宜居亂世之理與人羣者不得離人然人間之事故世世異宜唯無心而不自用者爲能唯變所適而何足累

文選

潘安仁秋興賦注

衛君

衛莊公蒯瞶也

文釋

故其君因其修以擠之

擠毒也

文釋

禹攻有扈

有扈國名在始平郡

文釋

瞻彼闕者

闕空也

文釋

虛室生白

室比喻心心能空虛則純白獨生也

文釋

氣息茆然

氣息一本
作諛器

諛器氣也諛音息

釋文

孰知其所終

誰知禍之所終者也

文選鮑明遠
擬古詩注

衛靈公太子

蒯瞶也

釋文

彼且爲無崖亦與之爲無崖

無崖不顧法也

釋文

女不知大螳螂乎怒其臂以當車轍不知其

不勝任也是其才之美者也

非不有美才顧不勝任耳

御覽九百四十六

匠石之齊至乎曲轅

曲轅曲道也

文釋

絜之百圍

絜帀也絜下結切

文選賈長沙過秦論注

匠伯不顧

匠石字伯

文選何平叔景福殿賦注石字伯

文選嵇叔夜琴賦注引有夔字因下句誤

符司馬紹統贈山濤詩注

張景陽七

命注

以爲門戶則液櫛

液津液也櫛謂脂出櫛櫛然也

釋文

匠石覺而診其夢

診占夢也

釋文

彼亦直寄焉以爲不知已者詬厲也

詬辱也厲病也

釋文

游乎商之邱

今梁國睢陽縣是也

釋文

宋有荆氏者

荆氏地名也

釋文

其拱把而上者

兩手曰拱一手曰把

釋文

求狙猴之杙者斬之

杙同馬作杙

杙音八

釋文

求高名之麗者斬之

麗小船也又屋櫨也

釋文

求禪旁者斬之

棺之全一邊者謂之槨旁

釋文

故解之以牛之白頰者與豚之亢鼻者與人
有痔病者不可以適河

頰頰也亢高也頰折故鼻高痔隱創也適

河謂沈人於河祭也

釋文

支離疏者

形體支離不全貌疏其名也

釋文

肩高於頂

言脊曲頸縮也淮南曰脊管高於頂也

釋文

會撮指天

會撮髻也古者髻在項中脊曲頭低故髻

指天也

釋文

兩髀爲脅

脊曲髀豎故與脅並也

釋文

挫鍼治解

挫鍼縫衣也治解浣衣也

釋文

鼓箴播精

鼓箴也小箕曰箴簡米曰精

釋文

則支離攘臂於其間

間裏也

釋文

上與病者粟則受三鍾

六斛四斗曰鍾

釋文

迷陽迷陽

迷陽伏陽也言詐狂

釋文

山木自寇也膏火自煎也

木生斧柄還自伐膏起火還自消

釋文

德充符第五

立不教坐不議

立不教授坐不議論

釋文

物何爲最之哉

最聚也

釋文

彼何賓賓以學子爲

賓賓恭貌

釋文

少焉眴若

眴若驚貌

釋文

是接而生時乎心者也

接至道而和氣在心也

釋文

闐跂支離无脰

闐曲跂企也闐跂支離言腳常曲行體不

正卷縮也无脰名也

釋文

闐因蓮切

集韻一先

知爲孽

知慧生妖孽

釋文

約爲膠

約束而後有如膠漆

釋文

德爲接

散德以接物也

釋文

至爲商

工巧而商賈起

釋文

大宗師第六

翛然而往翛然而來而已矣

翛然儻疾貌

釋文

狐不偕

古賢人也

釋文

箕子胥餘

胥餘箕子名也見尸子曰箕子胥餘

漆身為厲被髮佯狂

釋文

箕子名胥餘

書微子正

義

左僖十五年正義論語十八正義

滯乎進我色也

滯色憤起貌

釋文

瞽子其末可志也

瞽志遠貌

釋文

夫大塊載我以形勞我以生

大塊自然也

文選郭景純江賦注

夫藏舟於壑藏山於澤謂之固矣然而夜半有力者負之而走昧者不知也

舟水物山陸居者藏之壑澤非人意所求謂之固有力者或能取之

文選江文通雜體詩注

若人之形者萬化而未始有極也

當復化而爲無

文選賈長沙鵬鳥賦注

狝韋氏得之以挈天地

狝韋氏上古帝王名挈要也得天地要也

釋文

伏戲得之以襲氣母

襲入也氣母元氣之母也

釋文選襲入也

風賦注江文通

堪坏得之以襲崑崙

堪坏神名人面獸形淮南作欽負

釋文

馮夷得之以遊大川

清泠傳曰馮夷華陰潼鄉隄首人也服八

石得水仙是爲河伯

釋文

肩吾得之以處泰山

肩吾山神不死至孔子時

釋文

禹強得之立乎北極

山海經曰北海之渚有神人面鳥身珥兩

青蛇踐兩赤蛇名禺強

釋文

西王母得之坐乎少廣

少廣穴名

釋文

傳說得之以相武丁奄有天下乘東維騎箕
尾而比於列星

傳說殷相也武丁殷王高宗也東維箕斗

之間天漢津之東維也星經曰傳說一星

在尾上言其乘東維騎箕尾之間也

釋文

已外生矣而後能朝徹

朝旦也徹達妙之道

釋文

將以予爲此拘拘也

體拘攣也

釋文

跼蹐而鑑於井

病不能行故跼蹐也

釋文

彼遊方之外者也

方常也言彼遊心於常教之外也

文選謝靈運之

郡初發都詩注 夏侯孝若東方朔贊注

彼方且與造物者爲人

造物者爲道

文選顏延年三月三日曲水詩序注

造物謂道

也

文選任彦昇到德皇后令注

陸佐公石闕銘注

宣沈

休文齊故安陸昭王碑文注

敢問畸人

畸人不耦也不耦於人謂闕於禮教也

釋文

畸於人而侔於天

侔等也亦從也

釋文

吾願遊其藩

藩崖也

釋文

夫无莊之失其美據梁之失其力

无莊據梁皆人名

釋文

整萬物而不爲義

整碎也

釋文

仲尼問於顏回曰何謂坐忘顏回曰墮支體

黜聰明離形去知同於大通此謂坐忘

坐而自忘其身

文選賈長沙鵬鳥賦注

應帝王第七

泰氏

上古帝王也

釋文

上古之帝王無名之君

史路

前紀七

其臥徐徐其覺于于

徐徐安隱貌于于無所知貌

釋文

出經式義度人

出行也經常也

釋文

確乎能其事者而已矣

確乎不移易

文選劉孝標
辨命論注

天根遊於殷陽

殷衆也言向南遊也

文釋

何問之不豫也

嫌不漸豫太倉卒也

文釋

女又何帛以治天下

帛法也一本作窠牛世反

文釋

物徹疏明

物事也徹通也事能通而開明也

釋文

胥易技係

胥疏也

釋文

猿狙之便執繫之狗來藉

藉繩也由捷見結縛也

釋文

列子見之而心醉歸以告壺子

壺子名林鄭人列子師

釋文

壺子曰吾與女既其文未既其實而固得道

與衆雌而無雄而又奚卵焉

言汝受訓未熟故未成若衆雌而無雄則

無卵也

釋文 列子 釋文 卷上

鄉吾示之以天壤

壤地也

文選陸上衡 演連珠注

鯢桓之審爲淵止水之審爲淵流水之審爲

淵

鯢桓二魚名也審當爲蟠蟠聚也

文選

外篇

駢拇

駢拇枝指出乎性哉而侈於德附贅縣疣出乎形哉而侈於性

駢拇謂足拇指連第二指也侈溢也性人之本體也駢拇枝指附贅縣疣此四者各出於形性而非形性之正於衆人爲侈耳於形爲侈於性爲多故在手爲莫用之內於足爲無施之指也

釋文

煌煌

司馬本作韞韞

韞音煌

釋文

而離朱是已

黃帝時人百步見秋豪之末一

針鋒孟子作離婁

釋文

而師曠是已

晉賢大夫也善音律能致鬼神決記云冀

州南和人生而無目

釋文

枝於仁者擢德塞性

擢拔也

釋文

竄句

謂邪說微隱穿鑿文句也

而敝跬譽無用之言

敝罷也跬近也

釋文

蒿目而憂世之患

蒿亂也

釋文

則仁義又奚連連如膠漆繩索而遊乎道義之間爲哉

謂連續仁義遊道德間也

釋文

小人則以身殉利士則以身徇名大夫則以

莊子云馬虎注

身殉家聖人則以身殉天下

殉營也

釋文

盜跖死利於東陵之上

東陵陵名今屬濟南也

文選卷之五序昇王

雖通如俞兒

古之善識味人也

釋文

馬蹄

馬蹄可以踐霜雪

蹄馬足甲也

釋文

翹足而陸

文選引足
陸作趾

陸跳也

文選郭景
純江賦注

文選郭景
純江賦注

雖有義臺路寢

義臺臺名

史記魏世家
索隱

燒之剔之

燒謂燒鐵以煉之剔謂翦其毛

釋文

刻之雒之

刻謂削其甲雒謂翦其頭也

釋文

羈縲

頌音竦

釋文

編之以皐棧

皐棧也棧若樗牀施之溼地也

文選顏延年赭白馬

賦注潘安仁馬汧胥註注

前有櫪飾之患

櫪銜也飾排銜也謂加飾於馬鑣也

釋文櫪

駢馬口中長銜也櫪巨月切

文選潘安仁西征賦注

我善治埴

埴土可以為陶器

釋文

類爲犧尊

畫犧牛象以飾尊也

釋文

齊之以月題

馬額上當顙如月形者也

釋文

闔扼摯曼

言曲頸於扼以抵突也

釋文

夫赫胥氏之時

赫胥氏上古帝王也

釋文

縣仝仁義

企望也

文選傳長與贈
何劭王濟時注

胙篋

將為胙篋探囊發匱之盜

從旁開為胙

釋文

然而田成子一旦殺齊君而盜其國

謂割安邑以東至琅邪自為封邑也

釋文

萇宏胞

胞別也萇宏周靈王賢臣也

釋文

子胥靡

司馬如字

靡縻也靡如字

釋文

皆外立其德而以燭亂天下者也

燭散也

釋文

昔者容成氏大庭氏伯皇氏中央氏栗陸氏
驩畜氏軒轅氏赫胥氏尊盧氏祝融氏伏戲
氏神農氏

此十二氏皆古帝王

釋文

解垢異同之變多

解垢隔角也

釋文

故上悖日月之明下爍山川之精

上悖薄食也下爍崩竭也

釋文

而悅夫噶噶之意

噶噶少智貌

釋文

在宥

在察也宥寬也

文選謝靈運九日從宋公戲馬臺集送孔令詩注

大喜邪毘於陽大怒邪毘於陰

毘助也

釋文

乃始鬻卷獐攘而亂天下也

鬱卷不申舒之狀也

釋文

從容無爲而萬物炊累焉

炊累猶動升也

釋文

女慎無撓人心

撓引也

釋文

廉歲雕琢

歲傷也

釋文

今世殊死者相枕也

殊決也

釋文

榘楊者相推也

榘腳長械也

釋文

吾未知聖知之不爲榘楊接榘也

接榘械楔溜音息節反

釋文

榘械楔也

文選何平

叔景福殿賦注

聞廣成子在於空同之上

空同當北斗下山也爾雅云北戴斗極爲

空同

釋文

雲氣不待族而雨

族聚也未聚而雨言澤少

釋文

草木不待黃而落

言殺氣多也爾雅云落死也

釋文

翦翦者又奚足以語至道

翦翦善辨也

釋文

廣成子蹶然而起

蹶疾起貌

文選張景陽七命注

今夫百昌皆生於土而反於土

百昌猶百物也

釋文

當我緡乎遠我昏乎

緡昏並無心之謂也

釋文

雲將東遊過扶搖之役

雲將雲之主帥

初學記御覽八

而適遭鴻濛

鴻濛自然元氣也

釋文

方將扞髀雀躍而遊

雀躍若雀浴也

釋文

倘然止

倘欲止貌

釋文

叟何人耶

叟長者稱

釋文

大同乎滓溟

滓溟自然氣也

釋文

天地

夫子曰

莊子也

釋文

黃帝遊乎赤水之北登乎崑崙之邱而南望

還歸遺其元珠

元珠道真也

釋文

赤水而假名元珠喻道也

文選劉孝標廣絕交論注

使喫詬索之而不得也

喫詬多力也

釋文

堯觀乎華

華地名也

釋文

華封人

守封疆人也

釋文

離堅白若縣寓

辨明白若縣室在人前也

釋文

執畱之狗

畱本又作儒

獮竹鼠也

釋文

猿狙之便自山林來

言便捷見捕

釋文

一日灌百畦

灌一作浸

浸灌也

釋文

挈水若抽

抽司馬本作流

數如洪湯

洪湯司馬本作佚蕩

言其往來數疾如佚蕩佚蕩唐佚也

釋文

其名爲棹

釋文

棹桔棹也

釋文

子貢瞞然慙俯

瞞司馬本作撫

撫音武

釋文

孔丘之徒

徒弟子也

一切經音義二十五

於于以蓋衆

蓋司馬本作善

於于夸誕貌

釋文

其所謂警然不顧

警司馬本作警

其所謂儻然不受

儻司馬本作儻

儻勅蕩反

釋文

願聞聖治

聞司馬本作問

官施而不失其宜

施政布敘各得其宜

釋文

手撓指顧

撓動也

釋文

儻乎若行而失其道也

儻司馬本作儻

門无鬼

司馬本作无畏

門姓无畏字也

釋文

有虞氏之藥瘍也

庀瘍也

釋文

禿而施髡

髡髮也髡吐帝反

釋文

謂已諛人

本又作衆人

衆人凡人也

釋文

大愚者終身不靈

靈曉也

釋文

予雖有所嚮不可得也

祈求也

釋文

大聲不入於里耳

大聲謂咸池六英之樂也

釋文

折楊皇琴

司馬本作里華

則嗑然而笑

嗑司馬本作槌

以二缶鍾惑

司馬本作二垂鍾

鍾注意也

釋文

而所適不得矣

適至也

釋文

誰其比憂

比司馬本作鼻

鼻始也

釋文

則是罪人交臂歷指

交臂反縛也歷指猶歷樓貌

釋文

天道

迂道而說者

迂橫也

釋文

然則膠膠擾擾乎

膠膠和也擾擾柔也

釋文

孔子西藏書於周室

藏書藏其所著書也

釋文

由聞周之徵藏史

徵藏藏名也

釋文

於是繙十二經以說

煩寃也繙音煩

釋文

莊子司馬彪注

中心勿愷

愷樂也

釋文

老聃曰意

不平聲也

釋文

幾乎後言

幾司馬本作頥

頥長也後言長也

釋文

夫子若欲使天下無失其牧乎

牧養也

釋文

百舍重趺而不敢息

百舍百日止宿也跣胝也

釋文

鼠壤有餘蔬

蔬讀曰糝糝粒也鼠壤內有遺餘之粒穢

惡過甚也

釋文

生孰不盡於前

生孰生膾也

釋文

而顙顙然

顙司馬本作顙

邊境有人焉其名爲竊

言遠方嘗有是人

釋文

天下奮稊

稊威權也釋文

輪扁斲輪於堂下

輪扁斲輪人也名扁釋文

古人之糟魄已夫本又作粕

爛食曰魄釋文爛食曰粕文選陸士衡文賦注

徐則甘而不固疾則苦而不入

甘者緩也苦者急也釋文文選陸士衡文賦注

天運司馬作天員

孰居無事而推行是

推司馬本作誰

意者其有機緘而不得已耶

緘司馬本作咸

咸引也

釋文

孰居無事淫樂而勸是

司馬本作倦

倦讀曰隨言誰無所作
在隨天往來運轉

無已也

釋文

有上彷徨

司馬本作旁皇

旁皇颺風也

釋文

孰居無事而披拂是

拂司馬本作爨

天有六極五常

六極四方上下也

釋文

商太宰蕩

商宋也太宰官也蕩字也

釋文

北面而不見冥山

冥山北海山名

釋文

冥山在朔州北

史記蘇秦列傳

紫隱

債一起

債仆也

釋文

盛以篋衍

衍合也

釋文

彼不得夢必且數眯焉

眯厭也

釋文

彼未知夫無方之傳

方常也

釋文

乃南之沛見老聃

老子陳國相人相今屬苦縣與沛相近

釋文

先生之蘧廬也

遽廬猶傳舍也

釋文

食於苟簡之田

司馬本簡作問

間分別也

釋文

無所湮者

湮司馬本作歟

歎疑也

釋文

不貸無出也

貸施與也

蚊蚩嚼膚

嚼齧也

釋文

吾子亦放風而動

放依也依無爲之風而動也

釋文

烏不日黔而黑

黔黑也

釋文

名譽之觀

觀司馬本作謹

夫白鵙之相視眸子不運而風化

鵙鳥子也風化相待風氣而化生也

釋文鵙

鳥子也

列子釋文卷上

蟲雄鳴於上風雌應於下風

雄者龜類雌者鼈類

釋文

魚傅沫

傅沫者以沫相育也

釋文

細要者化

取桑蟲祝使似已也

釋文

穉蜂細腰者取桑

蟲祝之使似已之子也

列子釋文卷上

刻意

刻意尙行

刻削也峻其意也

釋文

非世之人枯槁赴淵者之所好也

枯槁若鮑焦介推赴淵若申徒狄

釋文

熊經鳥申

熊經若熊之攀樹而引氣也鳥申若鳥之

頻呻也

釋文

夫有干越之劍

干吳也吳越出善劍也

釋文

總性

世喪道矣

世皆異端喪道道不好世故曰喪耳

文選江文

通雄體

詩注

危然處其所而反其性已

危司馬本作危

惓然獨立貌

釋文

秋水

涇流之大

涇通也

釋文

兩涘渚涯之間

水中可居曰渚

釋文

眈眈向若而歎

眈眈猶望羊仰視貌若海神

釋文

吾長見笑於大方之家

大方大道也

釋文

夏蟲不可以語於冰者篤於時也

厚信其所見之時也

文選孫興公天台山賦注

曲士不可以語於道者束於教也

曲士鄉曲之士也

釋文

尾閭泄之不知何時已而不虛

尾閭泄海水出外者也釋文尾閭水之從海

外出者也一名沃焦在東大海之中尾者

在百川之下故稱尾閭者聚也水聚族之

處故稱閭也在扶桑之東有一石方圓四

萬里厚四萬里海水注者無不焦盡故名

沃焦文選嵇叔夜養生論注案郭景純江賦注引首一語海水作海外與釋

文合御覽六一同

不似稊米之在太倉乎

稊米小米也釋文

人卒九州穀食之所生

卒衆也

釋文

五常之所運

謂連續仁義也

釋文

之喻讓而絕

燕王噲拙於謀用蘇代之說毀堯舜讓位

與子之三年而國亂

釋文

梁麗可以衝城

梁麗小船也麗音禮一音加字

釋文

麗小船

也

利學記
二十五

鴟鵂夜撮蚤

蚤同馬
木仁蚤

鴟鵂鵂夜取蚤食蚤音文

釋文

瞋目而不見邱山

瞋張也

釋文

何少何多是謂謝施

謝代也施用也

釋文

何貴何賤是謂反衍

本一作
耐衍

叛衍猶漫衍也

文選左丘沖
蜀都賦注

夔憐虵虵憐蛇蛇憐風風憐目目憐心

虵馬虵蟲也夔一足虵多足蛇無足風無
形目形綴於此明流於彼心則質幽爲神

遊外

釋文

今予動吾天機而不知其所以然

天機自然也

文選陸士衡文顯注

孔子遊於匡宋人圍之數市

宋當作衛匡衛邑也衛人誤圍孔子以爲
陽虎虎嘗暴於匡人又孔子弟子顏尅時

與虎俱後尅爲孔子御至匡匡人共識尅
又孔子容貌與虎相似故匡人共圍之釋文
公孫龍問於魏牟

龍趙人牟魏之公子釋文

子獨不聞夫埴井之鼃乎

埴井壞井也鼃水蟲形似蝦蟇釋文鼃蝦蟇

類也荀子正論篇注

吾跳梁乎井幹之上

井幹井欄也釋文井幹井欄也積孝武紀索隱

木有若欄也

文選班孟堅西都賦注

幹井欄然井幹

臺之通稱也

文選謝元暉同謝詒議銅雀臺詩注

蹶泥則沒足滅跗

滅沒也跗足跗也

文釋

左足未入而右膝已繫矣

繫拘也

文釋

夫不爲頃久推移

頃久猶早晚也

文釋

商鉅馳河

商鉅蟲名北燕謂之馬蛇

釋文

且彼方趾黃泉而登大皇

趾測也

釋文

且子獨不聞夫壽陵餘子之學行於邯鄲與

壽陵邑名未應丁夫爲餘子

釋文

口呿而不合

呿開也

釋文

楚王使大夫二人往先焉

楚王威王也

釋文

鴈雛過之仰而視之曰嚇

嚇怒其聲恐其奪已也

釋文

莊子於惠子遊於濠梁之上

濠水名也石絕水曰梁

釋文

至樂

萬物職職

職職猶祝祝也

釋文

我獨何能無槩然察其始

槩感也

釋文

人且偃然寢於巨室

巨室以天地爲室也

釋文

俄而柳生其左肘

肘司馬本作肘

肘足上也肘音趺

釋文

骯然有形

骯白骨貌有枯形也

釋文

吾恐回與齊侯言堯舜皇帝之道

司馬本作黃帝

昔者海鳥止於魯郊魯侯御而觴之于廟

國語曰爰居也止魯東門之外三日臧文

仲使國人祭之不云魯侯也于廟飲之於

廟中也

釋文

海鳥爰居也

文選江文通雜體詩注

海鳥

即鷦鷯也

御覽九百二十五

鳥乃眩視憂悲

眩司馬本作立

立音眩

釋文

遊之壇陸

壇司馬本作澶

澶水沙澶也澶音但

釋文

人卒聞之

卒衆也卒音子忽反

釋文

莊子司馬彪注

列子行食於道從

本或作徒

從道旁也

釋文

徒道旁也

列子釋文

撻蓬而指之

撻拔也撻或音厥

釋文

若果養乎

養司馬本作暮

暮死也

釋文

子果歡乎

歡司馬本作囀

囀呼聲謂生也

釋文

得水則爲隱

隱司馬本作繼

萬物雖有兆朕得水土氣乃相繼而生也

釋文 列子釋文上水土
氣作水潤之氣餘俱同

得水土之際則爲鼃蟃之衣

言物根在水土際布在水中就水上視之

不見按之可得如張縣在水中楚人謂之

鼃蟃之衣

釋文 列子
釋文按作鈔

生於陵屯則爲陵舄

屯阜也言物因水成而陸產生於陵屯化

作車前改名陵舄也一名澤舄隨燥溼變

也然不知其祖言物化無常形也人之死也亦或化爲草木草木之精或化爲人也

屯音徒門反

釋文

陵舄得鬱栖則爲烏足

鬱栖蟲名烏足草名生水邊也言鬱栖在

陵舄之中則化爲烏足也

釋文

烏足之根爲蟚蛄

司馬本作蟚蛄

蟚蛄也

釋文

烏足草名生水邊蟚蛄蟲也

御覽九百四十八

其葉爲胡蝶

胡蝶蛺蝶也草化爲蟲蟲化爲草未始有

極

釋文

化而爲蟲生於竈下

得熱氣而生也

釋文

其狀若脫

新出皮悅好也脫音悅

釋文

蟲新出皮悅好

兒

集韻十七薛

斯彌爲食醯

食司馬本作蝕

蝕醯若酒上蟻蠓也

釋文

頤輅生乎食醯黃輓生乎九猷

頤輅黃輓皆蟲名

釋文

贅芮生乎腐蠹

蠹亦蟲名也爾雅一名守瓜

釋文

羊奚比乎不筭久竹生青寧

羊奚草名根似蕪菁與久竹比合而爲物

皆生於非類也青寧蟲名

釋文

案殷敬順列子釋文云莊子從羊奚至青寧連爲一句司馬之說固如是郭本乃分

之

達生

五六月

黏蟬時也

釋文

累丸

謂累之於竿頭也

釋文

累垸謂累丸於竿頭

也

列子釋文

吾聞祝腎學生

學養生之道也

釋文

吾子與祝腎遊

司馬本以吾字屬上句更云子與祝腎遊

高門縣薄无不走也

薄簾也走至也言無不至門奉富貴也

釋文

夫畏塗者十殺一人

畏塗阻險道可畏懼者也

釋文

吾將三月慘汝

慘養也

釋文

死得於豚蹠之上

豚猶篆也

釋文

集韻

二十

準

引循案也

聚僂之中則爲之

聚僂器名也今豕壙豚注爲之

釋文

諛詒爲病

諛詒懈倦貌

釋文

數日不出

司馬本作數月

齊士有皇子告敖者

皇姓告敖字齊之賢士也

釋文

沈有履

司馬本作沈有漏

沈水汙泥也漏神名

釋文

竈有髻

史索隱引司馬彪作沽

髻竈神著赤衣狀如美女

釋文

沽竈神也如

美女衣赤

史孝武本紀索隱漢武元光二年集覽引赤下有

通鑑綱目

衣字

東北方之下者倍阿鮭蠶躍之

倍阿神名也鮭蠶狀如小兒長一尺四寸

黑衣赤幘大冠帶劍持戟

釋文

西北方之下者則洸陽處之

洪陽豹頭馬尾

釋文

水有罔象

司馬本作無傷

狀如小兒赤黑色赤爪大耳長臂

釋文

邱有宰

狀如狗有角文身五采

釋文

山有夔

狀如鼓而一足

釋文

野有方皇

方皇狀如蛇兩頭五采文

釋文

莊子司馬虎注

紫衣而朱冠

司馬本作俞冠

俞國之冠也其制似螺

釋文

則捧其首而立

司馬本同

桓公蹶然而笑

蹶笑貌

釋文

紀渚子爲王養鬪雞

王齊王也

釋文

方虛憍而恃氣

虛憍高仰頭也

釋文

孔子觀於呂梁

河水有石絕處也今西河離石西有此巖

絕世謂之黃梁淮南子曰古者龍門未闢

河出孟門之上也釋文呂梁卽龍門也

入十三引郡國志轉引司馬注

以爲有苦而欲死也

苦病也釋文

被髮行歌司馬本

道常行之道也釋文

俱入

齊回水如磨齊也

釋文

與汨偕出

汨涌波也

釋文

梓慶削木爲鐻

鐻樂器也似夾鍾

釋文

未嘗敢以耗氣也

釋文

耗損也

釋文

東野稷以御見莊公

孫卿作東野畢

莊子以爲文弗過也

謂過織組之文也

釋文

使之鉤百而反

稷自矜其能圓而驅之如鉤復迹百反而

不知止

釋文

工倕旋而蓋規矩指與物化而不以心稽

司馬

本矩作瞿

工倕堯工巧人也旋圓也瞿句也倕工巧

孟子言馬虎注

任規以見爲圓覆蓋其句指不以施度也

是與物化之不以心稽留也釋文

故其靈臺一而不桎

桎閔也釋文

有孫休者踵門而詫

踵至也釋文又選顏延年詫告也釋文
皇太子釋奠會詩注

食之以委蛇

委蛇泥鰌釋文

山木

人倫之傳

事類可傳行也

釋文

市南宜僚

熊宜僚也居市南因爲號也

釋文

豐狐文豹

豐大也

釋文

猶且胥疏於江河之上

胥須也疏菜也

釋文

無形倨

無倨傲其形

釋文

無畱居

無畱安其居

釋文

方舟而濟於河

方並也

釋文

三月而成上下之縣

八音備爲縣而聲高下

釋文

隨其曲傳

謂曲附已者隨之也

釋文

玢玢玢玢

玢玢玢玢舒遲貌

文釋

昭昭乎如揭日月而行

揭擔也

文選沈休文齊安陸昭王碑文注

子獨不聞假人之亡與

假國名也

文選王仲寶褚淵碑文注

林回

殷之逃民之姓名

文釋林回人姓名也

文選劉孝

標廣絕交論注

此以天屬也

屬連也

文選王仲寶
褚淵碑文注

真冷禹曰

真司馬
本作直

冷曉也謂以直道曉語禹也

釋文

莊子衣大布而補之

大布麤布也

釋文

正廩係履而過魏王

廩帶也魏王惠王也

釋文

處昏上亂相之間而欲無憊

憊司馬
本作病

攬蔓其枝而王長其間

王司馬本作往

兩枝相去長遠也長直良反

釋文

雖羿蓬蒙不能眇睨也

羿古之善射者蓬蒙羿之弟子

釋文

犁然有當於人之心

犁然猶栗然

釋文

恐其廣已而造大也

造適也

釋文

運物之泄也

運動也泄發也

釋文

化其萬化而不知其禪之者

禪授子也

釋文

莊周遊乎雕陵之樊

雕陵陵名樊藩也謂遊栗園藩籬之內也

釋文

日大運寸

可回一寸也

釋文

翼殷不逝

殷大也曲折曰逝

釋文

褰裳蹢步

蹢疾行也

釋文

執彈而畱之

宿畱伺其便也

釋文

螳螂執翳而搏之

執翳執草以自翳也

釋文

見利而忘其真

真身也

釋文

虞人逐而諄之

以周爲盜栗也

釋文

三月不庭

不出坐庭中三月

釋文

藺且從而問之

藺且莊子弟子

釋文

夫子何爲頃閒甚不庭乎

頃久也

文選郭景純江賦注

謝靈運入

華子圖是麻源第三谷詩注引司

馬彪莊子注常久也

三字上當脫頃字

器予之宋

陽朱也

釋文

田子方

數稱谿工

谿司馬本作雞

文侯儻然

失志貌

釋文

吾所學者直土梗耳

土梗土人也遭雨則壞

釋文

梗土之榛梗也

文選劉孝標廣絕交論注

土梗土之木梗亦木人耳土

木相偶謂以物像人形皆曰偶耳

一切經音義二

十

若夫人者目擊而道存矣

見其目動而神實已著也擊動也

釋文

夫子奔逸絕塵而回睽乎若後矣

逸司馬本又作微

言不可及也

後漢書逸民傳注

文選范蔚宗逸民傳論注

丘是以日徂

司馬本作疽

疽病也

女於著乎吾所以著也

吾所以著者外化也汝殆庶於此耳吾一

不化者則非汝所及也

釋文

是求馬於唐肆也

司馬本作廣肆

廣庭也求馬於市肆廣庭非其所也

釋文

慙然似非人

慙不動貌

釋文

口辟焉而不能言

辟卷不開也辟婢亦反

釋文

邱之於道也其猶醯雞與

醯雞若酒上蟻蠓也

釋文

醯雞酒上飛蚋

御覽

三百九十五

莊子見魯哀公

莊子與魏惠王齊威王同時在哀公後百

二十年

釋文

緩佩玦者

緩司馬本作緩

受命而立

受命指而立也

釋文

解衣般礴羸

般礪謂箕坐也將畫故解衣見形

釋文

文王觀於臧

司馬本作文王微服而觀於臧

於是旦而屬之夫夫

夫夫大夫也

釋文

先君王也

言先君王靈神之所致

釋文

王其无宅

無違令

釋文

列士壤植散羣

莊子司馬彪注

植行列也散羣言不養徒衆也

釋文

長官者不成德

不利功名也

釋文

缺斛不放入於四境

司馬本作缺與

缺讀曰鍾蚪讀曰與

釋文

引之盈貫

貫鏹也

楚王與凡君坐

凡國名在汲郡共縣

釋文

知北遊

知北遊於立水之上

司馬本上作北

登狐闕之上而睹狂屈焉

屈司馬本作詘

狐闕邱名

釋文

知以之言也

之猶是也

釋文

是天地之委形也

委積也

釋文

日中參戶而入

麥開也

釋文

大馬之捶鉤者年八十矣而不失豪芒

捶者玷捶鐵之輕重者而不失豪芒也

釋文

庚桑楚

老聃之役

役學徒弟子也

釋文

有庚桑楚者

楚名庚桑姓也

釋文

庚桑楚人姓名

史記老莊列傳

索隱

其臣之畫然知者去之其妾之挈然仁者遠之

言人以仁智爲臣妾庚桑悉棄仁智也

釋文

擁腫之與居鞅掌之爲使

皆醜貌也

釋文

環堵之室

一丈曰堵環堵者面各一丈言小也

釋文

我其杓之人耶

杓司馬本作鈞

鈞音的

釋文

則蟻能苦之

釋文司馬作最又作窮

竊竊乎

細語也

釋文

奔蜂不能化藿蠋

奔蜂小蜂也藿蠋豆藿中大青蟲也

釋文

越雞不能伏鵠卵魯雞固能矣

越雞小雞也

釋文

越雞小雞也魯雞大雞今

蜀雞也

御覽九百十八

鷓鴣飲藥以加病也

加增加也

御覽七百三十八

趙願聞衛生之經而已矣

衛生謂衛護其生全性命也

文選謝靈運還舊園見顏

范二中書詩注

兒子終日嗁而嗔不噉

嗔咽也楚人謂啼極無聲曰噉

釋文

終日握而手不捉

但抱而握之手不捉也

蕭該漢書音義

不可內於靈臺

心爲神靈之臺也

文選

劉孝標廣絕交書御覽三百七十五

有生賦也披然曰移是

黥有疵也有疵者欲披除之黥烏簞反

臘者之有脆胫

脆牛百葉也

釋文

又適其偃焉

偃屏廁也

釋文

蹠市人之足

蹠蹈也

釋文

文選馬季長長簡賦注

蹠女展切

文選馬季長長

簡

注

介者抄畫

畫飾容之具無足故不復愛之

釋文

胥靡

刑徒人也

釋文

徐无鬼

緡山人徐无鬼

司馬本

君將黜耆欲

黜司馬本作咄

擊好惡

擊牽也

釋文

武侯超然不對

超然猶悵然也

下之質執飽而止

司馬以執字絕句

放下之能執禽也

釋文

中之質若示日

示司馬本作視

視日瞻遠也

釋文

直者中繩

直謂馬齒

釋文

曲者中鈞

曲謂肩上

釋文

方者中矩

方謂頭

釋文

圓者中規

圓謂目

釋文

若卹若失

失司馬本作佚

武侯士說而笑

說司馬本作悅

從說之則以金版六弢

金匱六微皆周書篇名

釋文

而吾君未嘗啟齒

啟齒笑也

文選郭景純
遊仙詩注

子不問夫越之流人乎

流人有罪見流徙者也

釋文

夫逃空虛者藜藿柱乎鼪鼯之逕

逕司馬本
作逕逕本

亦作
釋

故壤家處爲空虛也柱塞也徑道也

釋文

良位其空

良良人謂巡虛者也位其空謂處處空之

間也良或作跟音同

釋文

聞人足音蹵然而喜矣

蹵然喜貌

釋文

以賓寡人

本或作損

損棄也

釋文

文選郭景純江賦劉孝標辨命論注

夫神者不自計也

許與也

釋文

君亦必無盛鶴列於麗譙之間

鶴列鐘鼓也麗譙樓觀名也

釋文

无徒驥於錙壇之宮

徒步也

釋文

无藏逆於得

一本作臧司馬本同得司馬本作德

黃帝將見大隗乎具茨之山

大隗司馬本作泰隗茨司馬本

疾作

泰隗神名也具茨在滎陽密縣東今名泰

隗山

釋文

張若謂朋前馬

二人先馬導也

釋文

昆閭滑稽後車

二人從車後

釋文

予適有瞽病

瞽讀曰睚謂眩睚也

釋文

若乘日之車

以日爲車也

釋文

今予病少痊

痊除也

文選潘安仁閒居賦注

權勢不尤則夸者悲

夸虛名也

文選賈長沙鵬鳥賦注
阮嗣宗詠懷詩注

齊人謫子於宋者其命閭也不以完

齊人憎其子謫之於宋便門者守之令形

不全自以爲是

釋文

夜半於無人之時而與舟人鬪

夜上人船人必擠已於水也

釋文

恂然棄而走

恂遽也

釋文

委蛇攫掇

攫司馬本作攫
掇司馬本作條

王命相者趨射之

相者佐王獵者也

文釋

狙執死

兒執而死也

文釋

以敖予

傲司馬
倖本作倖

倖佞也

文釋

吾嘗居山穴之中矣

司馬
本作同

市南宜僚弄丸而兩家之難解

宜僚楚之勇士也善弄丸楚白公勝將作
亂殺令尹子西子期石乞曰市南有熊宜
僚者若得之可以當五百人乃往告之不
許也承之以劍不動弄丸如故曰吾亦不
泄子白公遂殺子西子期兩家歎息而已
宜僚不預其患釋宜僚善弄丸白公脅之
弄丸如故憺九二百

孫叔敖甘寢秉羽而郢人投兵

初司馬
本作翼

翼讀曰翮言叔敖願甘寢恬卧以養德於

廟堂之上折衝於千里之外敵國不敢犯
郢人投兵無所攻伐也郢楚都也釋文孫叔
敖秉羽之舞郢人無所攻故投兵御覽百七十二
九

丘願有喙三尺

喙息也宜僚弄丸而弭難叔敖除備以折
衝丘亦願有歎息其三尺三尺七首劍釋文
彼之謂不道之道

彼謂甘寢

釋文

此之謂不言之辨

此謂弄丸

文釋

狗不以善吠爲良

不別主客而吠不止

文釋

人不以善言爲賢

失本逐末而言不止也

文釋

子綦瞿然喜曰

瞿然喜貌

文釋

子綦字然出涕

索然涕下貌

釋文

求嘗好田而鵠生於矣

矣東北隅也

釋文 王應麟
急就篇四注

遊於天地

司馬本
地作汙

汙亂也

釋文

且假夫禽貪者器

禽之貪者殺害無極仁義貪者傷害無窮

釋文

譬之猶一覲也

莊子司馬彪注

覲暫見貌

釋文

年齒長矣

齒數也

華嚴經音義

於蟻棄知於魚得計於羊棄意

蟻得水則死魚得水則生羊得水則病

釋文

堇也

烏頭也治風冷痺

釋文

桔梗也

桔梗治心腹血瘀瘕痺

釋文

雞臙也

卽雞頭也一名茨與藕子合爲散服之延

年

釋文

豕零也

司馬本作豕囊御覽引作豕囊

一名猪苓根似猪卵可以治渴

釋文御覽九百八

九

是時爲帝者也

藥草有時迭相爲帝臣其王相休廢各得

所用也

釋文

解之也悲

解去也解一音懈

釋文

則陽

則陽遊於菴

名則陽字彭陽也

釋文

彭陽見王果

王果楚賢人

釋文

冬則擗鼃於江

擗刺也

釋文擗鼃刺鼃也

廣韻

復則休乎山樊

樊陰也

釋文

此子宅也

以隱居山陰自顯也

釋文

回顛冥乎富貴之地

顛冥猶迷惑也言其交結人主馳情富貴

釋文

集

韻一先

雖使邱陵草木之緝

緝盛也

釋文

莊子司馬彪注

魏瑩與田侯牟約

魏惠王也田侯齊威王也名牟桓公子約

誓在惠王二十三年

釋文

犀首聞而恥之

犀首若今虎牙將軍公孫衍爲此官

釋文戰

國策三鮑彪注引司馬彪曰犀首魏官若今虎牙將軍

吹劍首者呖而已矣

劍首謂劍環頭小孔也呖之呖然如風

釋文韻

會呖字注

舍於牖邱之漿

謂逆旅舍以菰蔣葦聚之也文
其鄰有夫妻臣妾登極者

極屋棟也升之以觀也釋

是聖人僕也司馬本
僕作樸

謂聖人坏樸一釋

是陸沈者也

當顯而反隱如無水而沈也釋
文

其聲銷

銷小也

釋文

長梧封人問子牢曰

即琴牢孔子弟子

釋文

君爲政焉勿鹵莽

鹵莽猶麤粗也謂淺耕稀種也

釋文

務民焉勿滅裂

滅裂斷其草也

釋文

齊來年變齊

變更也謂變更所法也齊同也

釋文

以其耕而熟耰之

耰鋤也

釋文

以衆爲故

司馬本作爲僞

內熱洩膏

謂虛勞人尿上生肥白沫也皆爲利欲感

動失其正氣不如深耕熟耰之有實

釋文

解朝服而幕之

幕覆也

釋文

不應諸侯之際

莊子司馬虎注

諸侯之際盟會之事釋文

史鰌

史魚也釋文

博弊而扶翼

蘧引衣裳自蔽扶翼謂公及浴女相扶翼

自隱也弊音蔽釋文

不馮其子靈公奪而里之司馬以其子字絕句

言子孫不足可憑故使公得此處為冢也

釋文

外物

外物不可必

物事也忠孝內也而外事咸不信受也

文選

嵇叔夜養生論注

生論注

葛宏死於蜀藏其血三年而化為碧

葛宏忠而流故其血不朽而化為碧

御覽八百

九

水中有火乃焚大槐

水中有火謂電也焚謂霹靂時燦大樹也

釋文

有甚憂兩陷而無所逃

兩謂心與膽也陷破也畏雷霆甚憂心膽

破陷也

釋文

墮墮不得成

墮等讀曰忡融言怖畏之氣忡融兩溢不

安定也

釋文

沈沈也

沈深也屯難也

釋文

我東海之波臣也

謂波蕩之臣

文釋

任公子爲大鉤巨緇五十牯以爲餌

巨緇大黑綸也牯犧牛也

文釋

得若魚離而腊之

若魚大魚名若海神也

文釋

自澍河以東

浙江今在會稽錢塘

文釋

揭竿累

累綸也累力追反

釋文

趣灌瀆

灌漑之瀆

釋文

東方作矣

謂日出也

釋文

詩固有之曰青青之麥生於陵陂

此逸詩刺死人也

釋文

壓其顙

顙頤下毛也

釋文

末僂而後耳

耳却後

釋文

乃剡龜七十二鑽而無遺筴

鑽命卜以所卜事而灼之

文選郭景純江賦注

宋元君夜半而夢人被髮闚阿門

阿屋曲檐也

釋文

然則厠足而墊之

墊下也

釋文

室無空虛則婦姑勃溪

勃溪反戾也無虛空以容其私則反戾其

鬪爭也

釋文

心無天游則六鑿相攘

謂六情攘奪

釋文

六情相攘奪

荀子哀公篇注

草木之到植者過半

鋤拔反之更生者曰到植

釋文

帥弟子而踐於窾水

窾水名

釋文

諸侯弔之

恐其白沈故弔之

釋文

寓言

卮言日出

謂支離無首尾言也

釋文

如鸛雀蚊蚋相過乎前也

鸛本亦作觀

鸛雀飛疾與蚊相過忽然不覺也

釋文

向也括

謂括髮也

釋文

蜩甲也

蜎甲蟬蛻皮也

釋文

火與日吾屯也陰與夜吾代也

屯聚也火日明而影見故曰吾聚也陰闇

則影不見故曰吾代也夜代謂使得休息

也

文選謝靈運
遊南亭詩注

讓王

於是夫負妻戴攜子以入於海

凡言入者皆居其洲島之上與其曲隈中

也

釋文

民拒連而從之

連讀曰輦

釋文

子華子見昭僖侯

子華子魏人昭僖侯韓侯

釋文

則右手廢

廢病也

釋文

其緒餘以爲國家

緒者殘也謂殘餘也

釋文

緒餘也

文選司馬子長報任

少卿書注

民國甲戌

莊子司馬彪注

益江都朱氏

其土苴以治天下

土苴如糞草也

釋文

子其爲我延之以三旌之位

司馬本作三珪

謂諸侯之三卿皆執珪也

釋文

諸侯三卿皆

執三珪

白帖

諸侯三卿皆執珪

御覽二百二十八

桑以爲樞

屈桑條爲戶樞也

釋文

而甕牖二室

破甕爲牖夫妻各一室

釋文

裼以爲塞

以裼衣塞牖也

釋文

匡坐而弦

匡正也

釋文

原憲華冠緹履

緹司馬本作踐

杖藜而應門

司馬本作扶杖

夫希世而行

希望也所行常顧世譽而動故曰希世而

行

釋文

仁義之慝

依託仁義爲姦惡

釋文

緼袍無表

謂麻緼爲絮

釋文

顏色種噲

種噲剝錯也

釋文

公子牟

魏之公子封中山名牟

釋文

心居乎魏闕之下

淮南作驪司馬本同

驍讀曰魏象魏觀闕人君門也言心存榮

貴

釋文

子路圻然執干而舞

圻然喜貌

釋文

而其伯得乎其首

其伯名和修其行好賢人諸侯皆以爲賢
周厲王之難天子曠絕諸侯皆請以爲天
子其伯不聽卽干王位十四年大旱屋焚
卜于太陽兆曰厲王爲祟召公乃立宣王

其伯復歸於宗逍遙得意其山之首其邱

山今在河內其縣西

釋文

其伯和修行而好

賢厲王之難天子曠絕諸侯知其伯賢請

立爲天子其伯不聽弗獲免遂卽王位一

十四年天下大旱舍屋焚卜於太陽兆曰

厲王爲祟召公乃立宣王其伯歸還於宗

逍遙得意於其邱山之首

路史發揮二注

居於昧畝之中

堊上曰畝堊中曰畎

釋文

強力忍垢

垢辱也

釋文

乃自投桐水而死

桐司馬本作洞

洞水在潁川

釋文

乃負石而投於廬水

司馬本作廬水

廬水在遼東西界

釋文

有士二人處於孤竹曰伯夷叔齊

孤竹國在遼東令支縣界伯夷叔齊其君

之二子也

釋文

莊子司馬彪注

血牲而埋之

司馬本作血之以牲

盜跖

穴室樞戶

破人戶樞而取物也

釋文

冠枝木之冠

冠多華飾如木之枝繁

釋文

帶死牛之脅

取牛皮爲大革帶

釋文

願望履幕下

司馬本幕作綦

言視不敢望跖而望履結而還也

釋文

兩展其足

展申也

文選謝靈運斤竹澗越嶺溪行注

唇如激丹

激明也

釋文

與蚩尤戰於涿鹿之野

涿鹿地名故城今在上谷郡西南八十里

釋文

今謂臧聚曰

莊子司馬虎注

謂臧獲盜濫竊聚之人

釋文

桓公小白殺兄入嫂

入嫂以嫂爲室家

釋文

五紀六位

五紀歲日月星辰歷數

釋文

鮑子立乾

鮑子名焦周末人汙時君不仕採蔬而食

子貢見之謂曰何爲不仕食祿答曰無可

仕者子貢曰汙時君不食其祿惡其政不

踐其土今子惡其君處其土食其蔬何志行之相違乎鮑焦遂棄其蔬而餓死

釋文

匡子不見父

匡子名章齊人諫其父爲父所逐終身不

見父

釋文

說劍

昔趙文王喜劍

惠文王也名何武靈王子後莊子三百五十年洞紀云周赧王十七年趙惠文王之

元年

釋文

皆蓬頭突鬢

司馬本作賓

賓讀爲鬢

釋文

曼胡之纓

曼胡之纓謂纓麤無文章理也

釋文

瞋目而語難

語難說相擊也

釋文

十步一人千里不留行

十步與一人相擊輒殺之故千里不留於

行也

釋文

王乃校劍士七日

考校取其勝者也

釋文

今日試使士敦劍

敦斷也試使用劍相擊斷截也敦一音丁

回反

釋文

臣之所奉皆可

司馬本作所奏

齊岱爲鏐

鏐劍刃也

釋文

周宋爲鐔

鐔劍珥也

釋文

韓魏爲夾

夾把也

釋文

劍士皆服斃其處也

忿不見禮皆自殺也

釋文

漁父

孔子遊乎緇帷之林

緇帷黑林名也

釋文

休坐乎杏壇之上

杏壇澤中高處也

釋文

遠哉其分於道也

分離也

釋文

方將杖屨而引其船

屨橈也

釋文

吾請釋吾之所有而經子之所以

經理也

釋文

祿祿而受變於俗

祿又音錄

錄領錄也

釋文

領錄也

文選劉公幹雜詩注

列御寇

吾嘗食於十餐

餐讀曰漿十家並賣漿也

釋文

不解

解音懈

釋文

形謀成光

形謀於衷成光華也

釋文

人將保汝矣

保附也

釋文

敦杖蹙之乎頤

敦豎也

釋文

曾不發藥乎

發司馬本作廢

廢置也

釋文

鄭人緩也

緩名也

釋文

祇三年而緩爲儒

祇謂神祇佑之也祇巨移反

釋文

朱泚漫學屠龍於支離盆

朱泚漫支離盆皆人姓名

釋文

朱姓也泚漫

名也益人名也泚普彭切

文選張景陽七命注

小夫之知不離苞苴竿牘

苞苴有苞裹也竿牘謂竹簡爲書以相問

遺修意氣也

釋文

宋人有曹商者爲宋王使秦

宋王偃王也

釋文

稿項黃臆

稿項項稿立也黃馘謂面黃熟也釋文

秦王有病

秦王惠王也釋文

達生之情者傀達於知者肖肖文選注引作有

傀讀曰瑰瑰大也情在故曰大也胥多智

也文選謝靈運初去郡詩注傀大也情在無故曰大謝靈運

齊中讀書詩注傀音瑰文選謝靈運齊中讀書詩注

注

河上有家貧恃緯蕭而食者

蕭蒿也織蒿爲薄文選顏延年蕭蒿也織

緝蒿爲薄簾也書鈔簾部御覽蕭蒿也

緯織也織蒿爲箔御覽九百九十七

天下

禹親自操橐耜

橐盛土器也耜盛水器也文釋

相里勤之弟子一

墨師也姓相里名勤文釋

五侯之徒

徒謂弟子也

華嚴經音義

不伎於衆

伎害也

釋文

以膈合驪

膈色厚貌

釋文

其道舛駁

文選注作踏駁

踏讀曰舛舛乖也駁色雜不同也

文選左太沖魏

都賦

注

至大无外謂之大一至小无內謂之小一

無外不可一無內不可分故謂之一也天下所謂大小皆非形所謂一二非至名也至形無形至名無名

釋文

无厚不可積也其大千里

物言形爲有形之外爲無無形與有相爲表裏故形物之厚盡於無厚無厚與有同一體也其有厚大者其無厚亦大高因廣立有因無積則其可積因不可積者苟其可積何但千里乎

釋文

南方无窮而有窮

四方無窮也

釋文

今日適越而昔來

彼日猶此日則見此猶見彼也彼猶此見

則吳與越人交相見矣

釋文

連環可解也

夫物盡於形形盡之外無非物也連環所

貫貫於無環非貫於環也若兩環不相貫

則雖連環故可解也

釋文

我知天之中央燕之北越之南是也

燕之去越有數而南北之遠無窮由無窮
觀有數則燕越之間未始有分也天下無
方故所在爲中循環無端故所行爲始也

釋文

卵有毛

胎卵之生必有毛羽雞伏鵠卵卵不爲雞
則生類於鵠也毛氣成毛羽氣成羽雖胎
卵未生而毛羽之性已著矣故鳶肩蜂目

寄感之分也龍顏虎喙威靈之氣也神以
引明氣以成質質之所尅如戶牖明暗之
懸以晝夜性相近習相遠則性之明遠有
習於生

釋文荀子不苟篇注引胎卵之生至已著矣下接云故日卵有毛也

雞三足

雞兩足所以行而非動也故行由足發動
由神御今雞雖兩足須神而行故曰三足

也

釋文

犬可以爲羊

名以名物而非物也犬羊之名非犬羊也
非羊可以名爲羊則犬可以爲羊鄭人謂
玉未理者曰璞周人謂鼠腊者亦曰璞故
形在於物名在於人

釋文

火不熱

木生於水火生於木木以水潤火以木光
金寒於水而熱於火而寒熱相兼無窮水
火之性有盡謂火熱水寒是偏舉也偏舉
則水熱火寒可也

釋文

山出口

形聲氣色合而成物律呂以聲兼形元氣
以色兼質呼於一山一山皆應一山之聲
入於耳形與聲並行是山猶有口也釋文
輪不踞地

地平輪圓則輪之所行者跡也釋文

目不見

水中視魚必先見水光中視物必先見光
魚之濡鱗非曝鱗異於曝鱗則視濡也光

之曜形異於不曜則視見於曜形非見形也目不夜見非暗晝見非明有假也所以見者明也目不假光而後明無以見光故目之於物未嘗有見也釋文

指不至至不絕

夫指之取物不能自至要假物故不也然

假物由指不絕也

釋文

龜長於蛇

蛇形雖長而命不久龜形雖短而命甚長

文

矩不方規不可以爲圓

矩雖爲方而非方規雖爲圓而非圓譬繩

爲直而非直也

釋文

鑿不圓柄

鑿柄異質合爲一形鑿積於柄則鑿柄異

圓鑿柄異圓是不相圓也

釋文

飛鳥之景未嘗動也

鳥之蔽光猶魚之蔽水魚動蔽水而水不

動鳥動影生影生光亡亡非往生非來墨

子曰影不徙也

釋文

鏃矢之疾而有不行不止之時

形分止勢分行行分明者形遲勢分明者
行疾日明無形分無所止則其疾無間矢

疾而有間者中有止也質薄而可離中有

無及者也

釋文

狗非犬

狗犬同實異名名實合則彼所謂狗此

謂犬也名實離則彼所謂狗異於犬也

釋文

黃馬驪牛三

一牛馬以二爲三曰牛曰馬曰牛馬形之三也曰黃曰驪曰黃驪色之三也曰黃馬曰驪牛曰黃馬驪牛形與色爲三也故曰一與言爲二二與一爲三也

釋文

牛馬以二爲

三兼與別也曰馬曰牛形之三也曰黃曰驪色之三也曰黃馬曰驪牛形與色之三

也

文選劉孝標廣絕交論注

白狗黑

狗之目眇謂之眇狗狗之目大不曰大狗

此乃一是一非然則白狗黑目亦可爲黑

狗

釋文

尺之樞日取其半萬世不竭

樞杖也若其可析則常有兩若其不可析

其一常存故曰萬世不竭

釋文 文選江文通雜體詩注

天地爲壯乎

惠施唯以天地爲壯於已也

釋文

存雄而無術

意在勝人而無道理之術文釋

紛蕩而不得

駘蕩猶施散也文選謝元暉直中書省詩注

海之士山谷之人輕天下細萬物而獨往

者也文選江文通雜體詩注陶淵明歸去來辭注任

昇齊晉陵文王行狀注

獨往任自然不復顧世文選注并同

案選注凡四引俱作淮南王莊子略要並有彪注略要未審何書附錄于此略要一

作要略今從下
海引作略要